

靈寶領教濟度金書卷二十一

伐八

靈寶領教濟度金書卷之二十一 二十一 伐八

同卷

洞微高士開光救苦真人竊全真授

靈寶通玄弘教水南先生林靈真編

科儀立成品 祈禳開度通用

關發三獻儀

焚檢攝妖氛符

吾以月洗身以日鍊真仙人輔已玉女佐形

二十八宿與吾合并千邪萬厭逐水而清

洞中玄虛 晃朗太无 八方威神 使我自然

靈寶符命 普告九天 乾羅荅那 洞罡太玄

斬妖縛邪 殺鬼萬千 中山神呪 元始玉文
持誦一遍 却鬼延年 按行五嶽 八海知聞
魔王束首 侍衛我軒 凶穢消蕩 道氣長存

三上香

志心初捻上香香徑御大羅天遍大羅三境

乘雲蓋供養大羅三境尊

伐八


志心二捻上香香徑御洞天天宮遍洞天真境
乘華蓋供養洞天真境尊

志心三捻上香香徑御洞淵宮遍洞淵水府

乘寶蓋供養洞淵水府君

焚總召萬神符

玉清總召萬神符命



玉清始青

玉符告盟

告命三界

統攝萬靈

符到速追

符到速遵

女青詔書

如帝親行

上元天魔

中元地妖

下元水恠

敢有不順

拒逆張鱗

萬神斬首

不得留停

敕符往召

靈寶官屬

執職萬神

速赴符來

速隨符至

玉帝敕書 仰行萬程 玉帝敕召 守待報應

急急如

玉清總召萬神符命律令

啓白

焚香供養

代

三界符使四直功曹某靖主將副將護道監

壇省府院司傳奏仙靈將吏里域土地司命

正神伏以龍漢開圖煥始青之祖氣鶴鳴啓

運敷太赤之靈光亘三際而聖日舒明蔭八

圓而神風鼓動道尊靈寶巍巍網紀於清微

教闡玄元奕奕權衡於紫極丕顯潛照之妙
肆張寂感之玄丹禁高澄孰與階升而御景
清曹拱列可通函奏以凌虛期肅扣於虎關
故惠徽於熊軾伏望雲駉莅止遵玉敕之崇
嚴月駟來游赴瑤壇之峻極鑒知芥采恪聽
葵衷法衆運誠依班奉請

謹奉請侍靖仙官玉童玉女三天十天三十
三天承受玉女諸天上奏靈官運神會道召
靈功曹降真召靈使者降臨位座

謹奉請十方飛天使者傳言奏事飛龍書

九天上奏靈官中天承受玉女降臨位座

謹奉請王清總召三界內外金闕上佐發放

九天御吏大夫承符傳檄官史天樞承受發

放司主吏佐吏流金火鈴大將降臨位座

謹奉請九天雲路正一功曹開天符命使者

玄虛當旛三界直符使者四直玉文功曹降

臨位座

謹奉請本靖主將副將護道監壇傳奏仙靈

將吏降臨位座

謹奉請城隍主者土地里域真官正神住居

司命六神降臨位座

初獻

散花

伏以萬天萬地拱翠玉於華京一陰一陽胤
玄珠於丹谷大无外小无内視不見聽不聞
一氣交孚自有和同之妙萬神護翼爰彰恍
惚之玄茲肅按於芝圖庸若稽於藁簡承受
發放象銀臺通素之司直符功曹承金闕驛
馳之任諸將扶持於雲路群真森衛於霄衢
丹赤爰彰玄黄倏徹今齋主潔蠲蓬宇䟽瀾
茅心誦三洞之龍文歸身歸神歸命徼九清

之鴻祉禮道禮經禮師將建道場先伸德悃
經華振響迎寶靈以徘徊梵唱流明翻紫烟
而縹緲願暫停於鹵簿庸少駐於檐帷恪盡
克誠聿殫庸敬恭奉陳亞獻

亞獻

伏以四雌五雄回風運東諸之緒七經八緯
乘烟昭西禁之玄幸天啓於瓊章荷師陶於
寶簡雖學真宴坐期忘我以乘晨然領教經
行盍度人而啓旦庶功超於今古而澤被於
幽明凡有皈投盡為關告

宣齋意

其諸芻悃已具此牒牒會道運元雖混靈虛而
飛化通誠達信言資威武以通傳庶帝賜以
下敷俾民情之上御玉龍迅邁風行碧落之
中金馬飛奔電掣字黃埃之內无遠不届有碍
皆通葑菲不遺願羅敷於帝賜蘋蘩可薦惟
倚仗於神功自慚設禮之勤敢致投醪之敬
執事恭陳三獻

終獻

散花

三獻已周一忱畢露所有文檄謹用敷宣

宣關

宣牒

宣劄

向來文檄已具控陳即冀氣策黃中令嚴青
甲八威翼從前驅嚴擲火之揚九醜飛奔後
衛儼流金之煥造心晟於帝所呈意牘於神
鄉恪露懇祈庶勲昭於日月敢有干試當東
送於雷霆佇俟感通別當遷舉謹伸奉送

焚開天符命

太上開天符命

今仰

符中使者正一功曹流金火鈴大將速爲

督護狀文徑達道前所過

剛風灑炁魔界等處不得妄有遏截如違


收付

天獄一如

土符告下施行

飛八

五



黃中策炁
馘滅邪踪
剛風九醜
灑炁群兇

開天符命 九天徑衝 儻遏狀文 束送羅豐

流金火鈴 照徹黃中 龍虎騎吏 執奏雲宮

普天均慶 飛騰太空 一如告命 風火驛傳

年 月 日 吉時告下

玉清上相大羅元極神公

敕水儀

伏以石景流明挹黃華於東井長庚孕秀凝
玄液於靈池光分銀漢之輝影湛金門之炁
掬來瑤鼎五龍騰天一之精洒以琅枝九鳳
瀾大千之界一塵不立萬景俱融期蠲滌於

芝壇盍恢張於蘭範

靈源無漏紛葩遠

風靜雲藏四炁清

自然定水耀靈芒

洞煥玄黃成真境

焚檢攝妖氛玉符

焚香上請日宮大聖懋儀帝君月宮大聖結

水 隣皇君天罡節度奎光帝君願降真炁入法

焚香上請五方生炁炁炁道炁炁自然正真之

炁華池真人靈寶玉符通真攝魔屏穢靈官

九鳳破穢靈官願降真炁入法水

焚香上請天上直符解穢吏地下直符解穢
吏年月日時直符解穢吏本靖諸省府院司
解穢吏願降真炁入法水

次楊枝瀹水周旋飛洒

清靜之水日月華開中藏北斗內接三台神

戊八

六

水喫洒禍去福來

次念淨天地呪

旋行至壇前扣齒退

又敕水儀

伏以影湛瑤池挹西崑而潤洒光浮銀漢流

東溟以飛溶生成標陰坎之功經緯贊陽乾
之造散為雨露融作江河天寶泉澄耀八圓
而彩映空青枝洒蕩六合以雲翻景景光明
塵塵辟片三極滅爽黃華飛東井之龍四部
刺姦赤水奮南閭之鳳對金彝而三熟歌玉
偈以重揚

眇莽滄溟周覆載 瀰漫河洛顯圖書
百川派衍澤群芳 變化甘泉供經挹
飛洒紛葩清宇宙 摧妖滅爽試姦奔
神風靜默岳藏雲 上拯玄虛俱道境

靈寶領教濟度金書卷之二十

靈寶領教濟度金書卷之二十一

代八

洞微高士開光救苦真人竈全真授

靈寶通玄弘教水南先生林靈真編

科儀立成品

祈禳開
度通用

施貧儀

步虛

洒淨

上香

伏以鑿混沌而分三極人爲萬物之靈陶洪
濛而御兩儀性稟五行之秀本奚分於貴賤
初何別於富貧惟資始資生或計宿緣而輪
轉故受形受命每隨業力以循環三千珠履
之豪華綺羅映體九十帶索之困極韋布縈
心皇皇而推食誰怜營營而解衣孰軫是以
真靈曲憫仙聖垂憐六度以布施爲先萬行
以喜捨爲尚力到行方便可令庶姓以同歡
仁散作陽和當合萬方而共樂今齋主某虔

成釐事負荷恩光敬消資財普施貧乏以有
有而資無有厚德克周俾生生而遂有生仁
恩廣大仰冀三清上聖列帝高真嘉彼慈悲
特垂鑒映視人猶已既衣被於光風損已周
人庸甄陶於化日敷羅丹采種續玄功稽首
皈依無極大道

吟頌

四民稟氣本皇天 受用周流是業緣
善積多生須富庶 惡熏宿劫易顛連
進糜惟感諄諄德 狹續宜懷耿耿恩

稽首玄元无上道 南宮計日紀瑤編

伏以祖氣流行昭輕清重濁冲和之位靈光
洞煥通過去未來見在之關凡此日之不料
生皆曩時之乏片善幸逢齋醮來集壇場盍
了了於靈局凝神解悟勿昏昏於宿命着意

伐八

八

思惟知齋主包容慈愛之心成本來虛靈知
覺之性號物有萬以人爲首毋令顛頓於孤
寒凡施有五以食爲先忍使沈零於飢渴瓊
科煥耀寶範彌羅既承化育以勤渠宜報生
成而鬱勃陰功昭著福從讚歎中生善果圓

成仁豈修持外鑠上德不德知恩報恩自然
紀字於南曹式符懇願管取刊名於地府永
保期願稽首皈依无極大道

吟頌

玄黃萬化握樞機

珍重陰功第一奇

濟乏扶危真意溥

賑飢活命實情施

今朝樂施來生福

後世榮華此日基

一飯不忘君子德

東華定祿與天齊

伏以布施作福田法施莫先於財施慳貪歸

鬼道心貪尤重於形貪今齋主某既捐金粟

以賑調復仗真玄而開悟財法二施等無差
別心形兩貪俱付虛空自宜膺九五之祥佇
看樂半千之運香花交散燈燭爭輝碧罄彌
羅普拯飢寒之輩瓊鐘掩藹頓資溫飽之徒
春滿八荒陽生萬宇不忍一夫之失所毋令
庶物之或遺贊清微雨露之恩善心圓滿溥
黃混日星之惠福報昭彰靈寶布施神呪仰
憑清衆同爲宣揚

宣呪

精進學仙業 布施第一義 若懷慳貪心

後世必淪墜 展轉三途中 飄流成異類
見人飢渴者 哀憫猶如已 衣食若施與
感恩无不至 賢者識宿命 執心存利濟
作善天報之 生生當富貴 功成超九天
仙真自可冀

向來捨施功德無限良因三寶證明衆真加
被伏願恩周有截德被無垠士皆歡顏奚止
萬間之廣廈民無飢色宛同千頃之良疇上
報施筆旁資動植悉歸正化共贊真乘爲如

上緣

放生儀

步虛

洒淨

上香

伏以一元判天地人物之形道涵萬化庶類
布動植飛潛之象品列三才稟賦之資雖分
陰陽之情周具貪生惡死同趨利避害之心
渴飲飢餐均求飽謀安之念皆根源於元始
祖氣實肇分於太極真精柰流俗之乖仁徇
世緣而非義陸張水捕合畢羅以掩群射宿
驚棲設網罟而併命憫彼微物罹此何辜今
齋主某崇建寶齋宣揚玉範慶成釐事負荷

恩私輒捐已財誓贖生命縱之林野俾自在
以逍遙放之源泉獲安閑而游泳咸遂有生
之樂用弘無上之恩仰望三寶慈尊九清上
聖俯從凡悃曲映愚誠察齋主隆天厚地之
仁爲增陰果遂萬物戾天躍淵之性永戴鴻
光溥使寰區同躋仁壽稽首皈依无極大道

吟頌

代八

十

飛潛高下各流形
總是先天祖氣成

宿劫業因誰結習

今生異類且經行

遭逢網罟冤仇積

放贖林泉惠澤深

作善降祥增福報 前程衮衮被恩榮

伏以轉煩惱作菩提仁恩廣大以神奇化臭
腐德厚克周雖胎卵濕化之業報有殊而生
老病死之機絨則一幸脫離於黑網來會合
於清壇既向無生而獲有生已拜齋主携持
之力當由有念以至無念共超大道希夷之
關悟多生趨向之非識正情指歸之樂隨緣
展轉趨覺地以安閑任運逍遙證福鄉而遊
宴永脫鱗介羽毛之苦獲生清淨安樂之邦
恩不虛捐當効珠環之報德宜漸積須堅金

石之忱稽首皈依無極大道

吟頌

四生流浪久沈淪 業力膠纏本性昏

幸際恩光歸彼岸 宜回覺照脫迷津

惡都落滅冤愆罪 善地皈依惠愛仁

伐八

十一

厚德無垠知感戴 密垂福慶萬齡春

伏以集康寧好德之福由積世之精修憫蠢

動含靈之情本宿生之業對六塵輪轉萬劫

循環有地獄有天堂品類均明於趨向無眾

生無壽者飛潛同受於陶鎔以今道氣旁周

靈光下燭金鐘玉磬琳琅振響於玄壇寶篆
銀缸舊紫交輝於紫座上帝溥昭天漏泉之
澤群生膺回骸起死之仁翩翩雲飛山深林
密洋洋川泳海晏河清皆由齋主向善心堅
好生志切植今朝之陰福結後日之良因以
茲放贖之功罪消吐府藉此慈悲之力名注
南宮陶九有於春臺開八荒於壽域靈寶戒
殺神呪仰憑清衆謹爲讚揚

宣呪

賢者戒其殺 亦莫懷殺想 衆生雖微微

亦悉樂生長 如何害彼命 而用以自養

自養今一時 累汝自然爽 長淪三途中

辛苦還復往 善惡本良緣 譬如聲與響

何不致此行 慈心以自獎 真人携手遊

逍遙觀無量

向來放生功德無限良因仗三尊以證明冀
衆真之鑒映伏願仁及草木化洽蟲魚盡宇
宙高下之中仁風披拂極天地圓方之外慧
日舒明悉令萬類之霑恩不使一夫之失所
上報生成之德旁敷化育之仁凡厥有情悉

歸正道為如上緣

靈寶領教濟度金書卷之二十一

卷八

十二



